

Priis: 5.-

FASNACHTSZIITIG

Motto 2024: Darfs es bitzli Meer si?

Ausgabe
#46

Knüller der Woche:
Sarah Studer ist unser Root XLV



AKTUELL
SPONTAN
Hochbrisant
Informativ



Erschts s'zwöit Mol sed ech Amme dörf si
Stimmt Hilari-Fiir und -Datum überi

Ech ha gforscht, wär de Hilari äch esch gsi
E Bischof esch er gsi, schon lang verbi

Ond werum das är för d'Fasnacht Bedütig hätt
Du das z'wösse fänd i no nätt

D'Legände seit, es heig emol es edus Frölein gäh
Ond dem si Hand heig e schtouze Ritter wölle näh

Doch heig s'Frölein s'Agebot ned a gnoh
Wöu es heig sis vouk ned gärn verloh

Dä stolzi Ritter esch jetzt toube
Und hett s'Frölein wöue roube

Doch s'Vouk wo das Frölein sehr verehrt
Hett sech gäg dä Ritter gwehrt

A Hilarius hett s'Frölein si Waud denn überträge
I sim Vouk, zum Danke säge

Darf's no es Bitzli Mee-r si?
Heit Gedoud, e has ja gli

S'Wort Hilaritas esch latin, me seit
Es bedüti Frölechkeit, Uusglasseheit

D'Fasncht begennt am Martinstag
Ond me weiss, das seg ke Sag

Der Hilarius, das seg dä gsi
Wo der Martin touft, wo dä nöm ganz chli

Dr Martin dä, wo si Mantel hett halbiert
Ond dermit s'Wort Kapälle heb kreiert

Vor Historie heit der jetzt secher gnue
Drom wände mer üs der Fasnacht zue

Dr füfevierzgischt Root chonnt ez de gli
Är wert der Herr oder vor Fasnacht si

Säubschtverschändlech, das weiss eg nötürlech ou
S'muess ke Maa si, s'gieng au queer oder sogar e Frou

Leuget doch d'Plagette a
Met Brösch ond Höftschwong, im Gsecht e Ma

Esch es secher e Ma, oder duet's e Löi darstelle
Darf villedt jede si, was är duet welle?

Jo Hägedorf esch sehr modärn
Drom hämmer üses Dorf so gärn

Doch jetzt der Frönde chömmet us dr Höfte
Jetzt wöi mehr ändlech s'Gheimnis löfte

Eis cha'nech jetzt schon säge
Der dörfet's ou gärn witterträge

Dr Root esch e Schlompf, jo ganz genau
E Monet Root, sösch emmer blau

Jetzt wott i im Root de Bäse gäh
De chani de chli Ferie näh

Scho am Äschermettwoch esch's verbi
Ferie, döft's gärn es Bitzli mee-r no si

Das esch schon der föifezwnzgischt färslisatz
Es chonnt no eine, de hebi dr Latz

Wär onder dr Maske, das wöi mer prüfe
Drom dömmer alli zäme rüefe

Roote, Roote, der Tüüfel het di gschrote....



Proklamation ROOT XLV

Zahlrich heid der de Wäg uf Euch gnoh,
Höd am Obe uf euse Dorfplatz z'cho!

Höd esch am Hilarius si Ehretag, der 13. Januar,
Das esch es Zeiche, die Fasnacht wird wunderbar!

Drom esch es Ziit, dass di füfti Johreszit jetzt chonnd
Die ledschde Mönnet grau gsi, doch jetzt werd's bonnt.

Darfs es bitzli Meer si

Es Wortspöu vo höchster Klass,
D' Aazau Möglicheite die si krass.

Me gseht's uf de Blaggette
Dört het's e feschi Poseidonette!

Das wiist druf he, uf's Thema Meer
Ond d'Attribut vor Figur se queer!

Das esch modärn ond mehr sis ou
Höt entscheidet me säuber ob Mah oder Frou.

Darfs es bitzli Meer si

Das wird hüüfig gfrogt bim Poschte
S'passiert eim hüüfig ou bim Proschte!

Wenn de Metzger frogt, e gueti Sach,
Frogt de Stüürvogt, de ged's Krach.

Bir Fasnacht ged's nor ei rächti Reaktion,
Si cha ned gross gnue si, die Portion.



Ech sctoh vor Euch, es rechtigs Fasnachts- Chend
Fasnacht, das Fäst, hani s'ganz Johr im Grend

Es werd ned nor es bitzli vo me(e)r si
E gebe aus, e werf aus dri

Wöu gäb e do ned aus vo me(e)r
Wär ech se doch ned wärt die Ehr

Dr Amme hett mer höd dr Bäse gäh
Jetzt cha är's wenn er wed, chli ruhiger näh

Doch d'Arbet, Amme muesch glich sälber mache
E kämpfe ned gäge dini Drache

Denn vo jetzt a esch Fasnachts Tropmf
Ond Chef vom Dorf esch jetzt e Schlompf

Zäme met mine Sekondante em Jasi, Läri, Marco ond
Jan tue eg euch leite ond dür e tolle Fasnacht begleite.

So löpfet Gleser ond proschtet Euch zue
Es darf es bitzli Meer si, doch never isch es gnue!!





Wäär kennt si nit die grunzende
Goldsöi, me schmöckt se vo witem, do
bliibe si sech tröi.
Ahgmäudet ad Fasnacht heisisech us
Spröchlitruppe, doch zrogg zoge
heisech, die süesse Zuckerpuppe.
Bald geds nöi Ferkel das isch klar und
mer finde das ganz wunderbar.

Goldigi Leggins döisi sich überzieh,
Nur a eis danke die Söili nie...
Dass ou bim Schnäbeli setsch öbis
drüber montiere.
De müesste Goldsöi nit wäge
Schwangerschaft pausiere

Root-Huus Betrieb
08. - 13.02.2024



Donnschtig bis Zischtig:
Immer ab 13.45 Uhr



Die Genderbeauftragte
kommt in die Kneipe
und bestellt: "Eine
Radlerin!".
Meint der Wirt: "Sorry,
das Zapfhuhn ist
kaputt!"

Jo die Pension, se esch dr Hit, do het me ufdsmol e huufe Zitt...
Doch Gaarte-Arbeit, die esch nach wie vor net so dr Hitt und
loohnt mi Fuuhle das esch doch Shit...!
Ir Nooot a Zitt do werd er schlaun und hett e Idee ganz
abnormau...
Laub rächele ufem Huus-(PLATZ) das esch för d Affe, dr
Kuurme Fredy nützt si Rasemäier und lohts met däm lo
Krache..

Im Doorf Aktiv und jede Sie könnt, esch se us Beckersdochter
anerkönt. Bröötli bache esch ihres Ding, dass weiss doch
mittlerwile jedes Chind.. Doch mängisch ir Fasnachtsziit, do
passiert au em **Vögeli Susi** en absolute Shit: "D Mählsuppe ohni
Brötli z frässe" jo das wer nit grad so dr Hiiit :-). Vergässe hetsi d
Bröötli z bstöuee, doch zum Schluss het jede einzige chönne si
Honger stöuee.





Ab 05:00 Uhr

Chesslete
Donnschtig 08.02.2024

Start bim Spitzacker
hüt chesslets durs Dorf

anschliessend Mehlsuppe in der
Raiffeisarena. Offeriert durch
die Einwohnergemeinde
Hägendorf.

Mittagsmenü Gasthof Teufelsschlucht



Gasthof Teufelsschlucht

1 Std. · 🌐

Tagessuppe und/oder

Salat vom Buffet

Menü 1

Schweisgeschnetzeltes an Pilzahmsacue mit
Teigwaren fr. 17.50

Menü 2

Pappardelle fr. 17.50

Breite Bandnudeln, Poulet, Spinat, Rahm



Christian, vielen
Dank für deine
Gelassenheit in
guten und in
schlechten Zeiten.



chappurignes

!!!Sonderauftritt!!!

Chappurignes am Freitag
09.02.2024 um
19:00 Uhr auf dem
Dorfplatz!!!



SCHNITZELBÄNKE & GUGGEMUSIG

Donnerstag, 08. Februar 2024

Zeit / Ort	Insieme	Bistro	Circle Lounge	Rest. Schlucht	Rest. Schlüssel	Rest. Siena
19.30 Uhr	Hägageri-Gugge			Schlumpf-Zunft	Höckeler-Zunft	Root XLV
20.10 Uhr	Root XLV	Hägageri-Gugge			Schlumpf-Zunft	Höckeler-Zunft
20.50 Uhr	Höckeler-Zunft	Root XLV	Hägageri-Gugge			Schlumpf-Zunft
21.30 Uhr	Schlumpf-Zunft	Höckeler-Zunft	Root XLV	Hägageri-Gugge		
22.10 Uhr		Schlumpf-Zunft	Höckeler-Zunft	Root XLV	Hägageri-Gugge	
22.50 Uhr			Schlumpf-Zunft	Höckeler-Zunft	Root XLV	Hägageri-Gugge

Darfs es bitzli Meer si



Am Fasnachtsumzug in Wiedlisbach wäit e chaute Wind.
 Wägedäm springe sie nachem Monsterkonzärt zum Outo und das ganz
 gschwind.
 Sie düei aus i Kofferruum quätsche und debii natürli ganz vöu quatsche.
 Aui stige sie is Outo ih,
 s rückwärts usparke mit der Rückfahrkamera isch ganz iisi.
 Dobe ar Stross düend zwöi ganz hektisch winke,
 wo s Asti zum usefahre afoht blinke.
 Die drüü Wiiber müesse das natürli zelebriere und die Zeichesproch vo de
 Gspändli ned kapiere.
 Nenei, ned ufe Abschied wird ufmerksam gmacht,
 die Deppe im Oute si los gfahre, hei aber der Kofferrumdecku ned zue
 gmacht.
 d Guggehühner Asti, Mela und nadinE - si de nachemne churze Halt doch
 no mit geschlossenem Kofferrumdecku heigfahre



Am Schweiz bewegt gets Hot-Dog zom Ässe.
 Doch hei se ber Maschene s'Wasser vergässe.
 Jetz fots e chly afo stenke
 ond der Rouchmäuder tuet ganz närvös blenke.
 D'Schumi Sandra muess das jetz usbade.
 Se het d'Führwer samt Drähileitere zom Bewege iglade.



Im Raclette Stöbli vo eusem FCH
 Chasch zom verdoue ar Chöubi ou es Schnäpppli ha
 Grad 1dl für 4 Stotz gets vom feine Kirsch
 Dä wo d Priislichte het gmacht esch ned grad e Hirsch
 Gäu Schnapps Phippu E. ?

BIER & SCHNAPS	
Feldschlösschen klein	3 dl CHF 4.00
Feldschlösschen gross	5 dl CHF 5.00
Feldschlösschen Bügel	5 dl CHF 6.00
Kirsch	1 dl CHF 4.00

 fc_haegendorf
www.fch.ch
 FC Hägendorf

Was esch de das, das cha doch ned si,
 Do mescht sech eine i üses Spöu dri ..
 Klar, dass das ke Speeler vertreit,
 Dä Chaib esch zu auem de no Offseit .
 D'Gmeind sött dä Spöuverdärber besser programmiere
 De duet der Roboterrasemäier nömme der FC schikaniere
 Trogrammierpeam Hägedorf



Bim Izog ine neuu Wohnig muesch chli studiere
 Wenn ned wotsch di Nochber schikaniere
 Dä esch nämlich fasch versoffe
 Wöu der Wasserhahn obedra pouselos esch gloffe
 Dä dröckt bi der Wohnig obedra ofs **Lüthi** i der Not
 Niemer deheim, der Abwart jetz met der Leitere säuber zum Hahne got
 Dr. M. Blumengiesser



Die Meischte si scho dusse am Warte.
 Jetz chönnt eigenlech de schöneri Teil vom Tag starte.
 Du wottscht i de Istellhalle au no go Ornig mache
 und jetz chunnts, und das isch de ned öppe zum Lache.
 D'Türe gheist is Schloss, e sone Seich.
 Wo du das merkscht, wirsch chridebleich.
 Niemer tuet uf dis Rüeefe ond Schreie reagiere,
 «Wie chom i do use?» foscht du afo studiere.
 Einsam und verlasse stohsch du i dä Istellhalle.
 Es vergaht einigi Zit bis das öpper duet schnalle.
 Dank em Abwart bisch du zum Glück wieder duss.
 Mängisch bisch scho chli e ungschickti Nuss.
 Putztüfeli **Conny Noti**



Plötzlich wird's dunkel und nüt goht me,
 der Strom isch wäg, oje mine.
 Haub Hägedorf isch im dunkle ghocket,
 die ganzi Situation isch ned verlockend.
 D Arbeiter vo de Kibag hei uf der Boustell es
 Kabel verwötscht
 und de haube Hägedörfer s Licht usglöscht.



HAFTSTRAFEN FÜR KLIMA-AKTIVISTEN ?




Actimel Aktiviert Aktivisten; Bei jedem Wetter :-)



Der Schlochtkiosk esch e gueti Sach ond duet
 ou d'Veine chly nöcher zäme führe.
 Ond natürlech cha ou s'Einte oder Andere passiere.
 Fasch jedes Wocheändi düe se vöu chatte,
 wöu se Worscht oder Glace oder söschtt öppis wette.
 Es get ou zwe Froue, wo der richtig Schlössu ned
 fende.
 Ohni Chat wäre die äüä emmer no dörnt hende!
 Näit dä, wo d'Marke vom Schloss droffe stoht
 ond der wärdet gseh, dass das so am beschte goht.
 Schlumpfinen Corinne ond Anja

Kiosk, die Zweite:
Ein Mann, ein Wort!
Zwei Männer, eine Kaffeemaschine,
viieeeeel Worte!
Empfehlung einer Frau:
«Tüet doch gschnäu zäme telefoniere!»
Billi ond André mit Beratung von Sonja



Öbs guet oder schlächt duet louffe
 Är emmer weder duet es Saisoabo chouffe
 Doch mängisch wots am EHC Oute ned so glinge
 Ond är ned bes zom Schloss vom Match dr Obe im
 Stadion duet verbrenge
 D Powermüüs si am verlüüre ond är duet hei zue fahre
 Deheime stöüt är fescht die hei no kehrt dr ganzi Chaare
 Die Grossi Wändi vom EHCO duet är haut verpasse
 Dr Aegerter Chregu chas ned fasse

För deheime duet är paar feini Bierli chouffe
 Vorem verrumme aber no muess Stäge louffe
 Vou bepackt met em ganze Karsumpel
 Ghörsch de plätzlech es riese gerumpel
 Leider hets klöpft ond däscht
 Ond dr **Thömi Elia** hets metem ganze Bier
 ufe ranze brätscht.

E Gin Tonic macht me wie me scho ghört mit Gin.
 Aber im Bistro chunnsch eine öber mit Grappa drin.
 Mirvette vom Bistro, isch eidüütig kein Baarkeeper.in



Wottsch mitem STV Hägedorf is Skiweekend goh,
chasch ned lauere und söttisch bi Ziite am Bahnhof
stoh.

Ändlich stoht är jetzt am Perron und wartet,
aber sie Zug isch bereits scho zwöi mou ohni ihn
gstartet.

Der Thomas het si Zug grad zwöi mou verpasst,
försini STV Gspändli isch das aber e riise Spass.
Villech söttisch s nächste Mou eifach chli ufe 1. Zug
pressiere,
der wösch jetzt nämlich ned i der Fasnachtsziitig
wäge 2(!) verpasste Züg inseriere.

Caduff Thomas



Ou der Jung vom Aut hets vo de Scheiche ghoue,
het genau am gliche Ort e Unfall boue.
Nachem Liechterwäg sie beidi vorem Gschänkli-Egge usgrütscht,
nume hets dr eint früecher und der ander spöter am Obe verwütscht.
Schumi Beat und Noah

Är goht id Ferie ond tuets mega gniesse
Nimmts locker ond duet ned drischiesse
Gloscht heter de ufnes Spiegelei
Sorgt de aber ir Chochi förne Schweinerei
Diräkt uf dr Induktionsplatte wot är das mache
Müller Ferdi vom Männerchor das esch zom
lache

Kiosk, die Dritte:
S'Kioskteam wett em Didi go nes Dankeslied senge
ond natürlech es chlyses Presäntli metbrenge.
D'Terminfendig gschtudet sech de es Betzeli schwierig.
Me hätt chönne meine, das tuuret no ewig.
D'Sarah het do nomou müesse Bier go choufe.
S'erschte Gschänk esch ir Zwöschezyt abgloufe.
Be de Schlömpf esch das Bier so lang blybe stoh.
Das wär be de Höckeler secher ned so wyt cho!

mindestens haltbar bis:
10.10.19
aber oft länger genießbar

Über 30 Stonde hei d'Berliner zetteret wägeme enloufene Löi.
Do het me de gmerkt: es si doch nome Wöudsöi.
D'Italiäner mach aber kei halbi Sache.
Dört esch wörkli so ne Leo go nes Spatziergängli mache.

14:00

Grosser Fasnachts-Umzug
Samschtig 10.02.2024

Start beim Schulhaus Oberdorf
anschliessend Fasnachtstreiben
auf dem Dorfplatz




Me wott goh Töffahre und het e riiese Drang,
 är leit ne ih der erschti Gang.
 Är git Gas und der Töff fahrt dervo,
 aber der Chrigu ned wöu dä bliibt stoh.
 Hesch de Töff ned im Griff sötsch ned goh fahre,
 machsch e Unfall, de muesch haut zahle.
 Aber wär das ned scho gnuet für ihn gsi,
 fahrt i däm Momänt no d Schmier verbi.
 Es duet ne de scho grad chli ufregge,
 wöu jetzt muesser sich z Fuess wiiterbewege.
 Schneider s Christian



Uf dr Terrasse wot är e neue Bode verlegge
 Ond duet denne ganz guet überlegge
 Bim bstöue im Onlineshop het är sech vertippt
 Bi dr Leferig vo de Fliese denn sini Stemmig kippt
 Eigentlich het är för di ganzi Terasse Fliese wöue
 Aber dr Phippu Erni nome 1 Pack duet bstöue



Bem Chregu im Büro passiere komischti Sache.
 Der Drocker drockt Pritsilsichte zom schöni Nägeli mache.
 Jetzt chonnt scho die dreitti, was esch ou do los?
 Är packt grad die Blätter ond got über d'Stross.
Gordy von Arx, wenn wotsch, as das nömmt set passiere,
 muesch dini Drockeristellige nöi programmieren!



**In Not und Gefahr sind sie stets bereit,
 mutig und stark im Einsatz für die Sicherheit.
 Mit Blaulicht und tatiüü tataa auf den Berg ins Spital,
 jedoch wieder kein Feuer, so wie jedes Mal.
 Langsam wird es mühsam und auch teuer,
 es kostet Geld, bezahlt durch und mit der Steuer.
 Liebe Asylanten, vermeidet im Zimmer das Rauchen,
 weil wir die Feuerwehr auch für andere Sachen gebrauchen.**



Als Fahneträgerin reist sie wieder uf Bärn a Fasnachtsumzug mit.
 Z vorderscht darf sie sii, das isch für sie e riiiiese Hit.
 Doch nachem lange loufe dur Bärns Gasse,
 springe sie zum WC und das nömme so glasse.
 Ihres Gspändli chunnt aus erschts wieder use und wett d Fahne öberneh,
 doch d Anja wett ihres Heiligtum ganz sicher ned agäh.
 Sie drückt sich dur d Tür mit Fahne und Stange,
 ihri Bloose z erlicheere uf das duet sie blange.
 S Gspändli merkt - do duet öbbis fähle,
 wo sich d Anja zum Händwäsche us de Jagge duet schääle.
 Sie het vergässe ihres Heiligtum wieder mit sich znäh,
 dorom wartet sie jetzt vor der Töre wo e frömndi Frou ihre duet d Fahne wieder
 öbergäh.
 d Anja Casa-Dios mio



Fasnachtsgottesdienst
Sonntag 11.02.2024

10:30-12:00

In der kath. Kirche in Hägendorf
musikalische Begleitung, durch die
Hägageri Gugge Hägendorf

mit anschliessendem Apéro



Die Hohle göi uf Pole!

Um ihrem stränge Räntnerläbe chli
chönne z entcho.
göi sie zäme uf Pole und döi chorz
nach der Akunft im Hotel e Schreck
öbercho.

Bim usstige usem Taxi hei sie der
Rucksack drin vergässe.
dä fährt jetzt mitem Taxifahrer dur
die polnische Gasse.

Sie versueche dä Herr no usfindig
zmache.
aber das wird schwär und dene
zwöine isches nümme drum, ums
lache.

Doch mitte i der Nacht duet im
Hotelzimmer s Telifon lüüte.
Sofort si die zwöi wach und froge
sich: Was het äch das z bedüüte?

Der verlornig Rucksack isch bi de
Rezeption abgäh worde.
der Taxifahrer het ne brocht und
verdient för die Tat eigentli e Orde.

S Tina und der Fredy hei ihm no
wöue danke säge.
aber är isch scho über aui Bärge.
Zum Glück isch aues wieder vöre cho.

Sösch hätte sie se äüä nümme id
Schwüiz inegloh.
I däi Sinn: Ende gut - alles gut!
s Kurlmelis Fredy und Tina

Bem Bahnhof Hägedorf chan är ned halte.
wöu d'Äpp ned fonktioniert zom s'Parkiere verwalte.

Drom fährt är de of Olte, döt zaut me in Bar.
Aber jetz fäut ehm s'Mönz, das esch jo klar!

Ir erschte Onterfüehrig got är go Fisherman's poschte.
Das get chli Mönz ond tuet ned vöu choschte.

Aber ou döt si d'Batzeli knapp, drom duubet är ap.
ir nöchste Onterfüehrig go Fisherman's choufe.

Tinu Kamber, due doch nöchsch Mou a Bahnhof abe loufe

E Setzig förd Fasnachtsziitig duet der Vönsi mache.
Sini Gspändli aber i der Schlucht warte und die müesse lache.
Sie lüüte ihm ah und düei mou frooge,
öb är sich äch ou no wott, ad Setzig wooge.
Agseit wär sie uf haubi achti gsiii,
aber der Vönsi schriibt sich achti ii.
Vimon son Arx

E nöie Chaschte muess häre ond zwar jetz.
Du fahrsch id IKEA wie der Bletz.
Bem Uufbou muesch de no chly schaffe.
Aber du duesch s'Mässe ned richtig raffe.
Dä Chaschte het jetz schrägi Greffe!
Das gseht uus, es esch zöm Hooröl scheffe!
Es zwöits Loch wird bohret ond zom Kaschiere
duesch öber em aute e Chläber platziere.
Ihr Möbelmonteur des Vertrauens **Tom Schneeberger**



Nach der GV losch s'Outo in Trimbach lo stoh.
Hesch jo ou chly Wy zom Ässe gno.
Zo spoter Stond, i der Sporti chonnts der i Senn:
Im Outo si no d'Schlössu denn!
Es fährt die öpper zrogg of Trimbach, wöu d
Hönd si i der Wohnig.
Weder zrogg gets e Rondi för aui zor Belohnig.
Aber zahle chasch se leider ne.
Im Outo lit ou ar **Nicole Gubler** ehres
Portemonnaie.



Primarschule Hägendorf



Sie dūei öis ned am Umzug unterstütze, do müesse mir doch die Glägeheit nütze.
Doch das isch ganz sicher kei Vorwurf, ad Lehrpersone vo der Schueu Hägedorf.
För aui die was duet intressiere, uf dere Siite, duet Primarschueu Hägedoof inseriere.

Zwöi Lehrpersone göi goh d Frühligswanderig rekognosziere,
düend för die andere Kollege aui Abzweigige fotografiere.
Demit sich niemer duet verloufe,
schribe sie e detailliert Aleitig: das wär doch aune ghoufe.
Doch ihri Kollege dūei nume lache.
Wär brucht scho Föteli um e Wanderig z mache!
Aber s Gabi und d Manu kenne ihri Pappheimer,
sie zwöi wüsse; die Wanderig isch scho glii im Eimer.
Schlüssändig müesse si d Klasse dure Wald dirigiere,
wöu d Lehrer sich hei verloufe
und d Aleitig ned hei welle id Wanderig mit integriere.
Doch das esch noned aues, das wär jo glacht.
Der Huuswart, däa het ou no e Seich gmacht.
Demit sie s Holz ned säuber müesse transportiere,
froge sie dr Schueuhuusabwart
öb är wör die Schitter zum Brötliplatz bugsiere.
Die erschi Kurve chunnt derhäär,
Schwupps isch der Ahänger komplett läär.
Der Marc isch chli zschnäu id Kurve glääge,
s Houz chaner jetzt uf de Stross goh zäme läääse.



Wotts ch im Späri-Schuelhuus go scheffe,
bruusch e Schlössu fürs WC.
Düe äch d'Drettklässler dört sösch keffe?
Nach der Pause gets plötzelech Raudau.
Was mache äch die im Näbezemmer genau?
D'Lehrer si de doch no of d'Lösing cho
ond hei der igschperret Schüeler zom WC uus glo.

Mit viel Chind im Zimmer isches wichtig
Dass me duet Lüfte und das richtig
Ei Lehrer nimmt das chli zu genau
Gseht nit, dass de Himmel isch ziemli grau
Es schiffet und schüttet verosse
Und nebebi werds Schuelzimmer gosse
Denn d'Fenster sind no immer offe gsi
De Lehrer Pflueger leugt ziemlich blöd dri

Mitem Chinderwage obe e dr Schlucht eschs schiter
Irgendeinisch chunnsch de gar nüm witer
Drum duet är dr Chinderwage amene Ort plaziere
Und z'Fuess mit Frau und Chind dur d'Schlucht marschiere
Wäge däm gits jetzt es huere Gschrei
Wöu öpper gseht dä Chinderwage ganz elei
Jetzt wird sogar Polizei no alarmiert
Esch ächt do no öppis schlimms passiert
Die näme dr Wage mit und e Mitteilig wird plaziert
Wo de d'Familie chunnt zrugg wird's kompliziert
Statt dr Wage, hei die nur d'Mitteilig entdeckt
Das esch für se natürl ned perfekt
Se mäude sich be dr Polizei und verzöue was esch gsi
und zwar, dass se nur mitem Chind go spaziere si
Jetzt esch dr Fall glöst und niemer muess dr Chopf lo hange
Mer hoffe, au am Lehrer **Cengiz Kahramann**
eschs so gange..

10 Lehrersätze die jeder kennt:

- Nr. 1 „Runter vom Mattenwagen!“
- Nr. 2 „Halt! Der Lehrer beendet immer noch den Unterricht.“
- Nr. 3 „Könnt ihr eure Privatgespräche bitte in der Pause führen?“
- Nr. 4 „Man hört euch bis ins Lehrerzimmer!“
- Nr. 5 „Es ist EURE Pause, ich habe Zeit!“
- Nr. 6 „Jetzt konzentriert euch bitte nochmals die letzten Minuten.“
- Nr. 7 „Nimmst du bitte deine Kopfbedeckung ab?“
- Nr. 8 „War das eine Frage oder eine Antwort?“
- Nr. 9 „Das ist eigentlich Stoff der 5. Klasse.“
- Nr. 10 „Say it in English, please!“

Der **Fredy** und d **Lara** göi goh wandere,
sie setze ei Fuess vore andere.

Aber ou dä schöni Tag isch mou verbii
und stiige dobe id Gondle iih.

Doch schnäu göi sie wieder us der Gondle uus,
der Fredy gfindet si Outoschlössu nömm, oh nei, oh gruus.

Sie müesse jetzt dä Schlössu gfinde,
villech ischer jo no dört hinde.

Im Restaurant ond ou jede Wanderer heter gfrogt,
wahrscheinlich ischer ou no onder jede Föusvorsprung grobbt.

Wo heter äch da Schlössu gloh,
ohni dä wirds chli schwär mitem Gschäftsouto hei zue zcho.

Doch bevor är duet d Närve verliere,
wott är id Talstation abe telefoniere.


Dä Maa am Telefon isch e nette,
är duet im Fredy de Tag rette.

Der Herr ar Talstation duet sich ufe Wäg zum Parkplatz mache
und muess de scho churz drufabe lache.

Är goht nöcher zum Oute goh luege, dänkt sich: das isch jo ganz verreckt.

Ond seit zum Fredy: "Sie... d Türe vom Outo isch offe und der Schlössu....
dä steckt!"

s Löitschfödle, Kredy Furmann



Dr FC duet vor Schlocht e Grill gschnäu miene
Doch bediene dues mega Niene
Zoum louffe bringe si dr Grill eifach ned
A Greng länge do drbi sech bed
Dr Beizer denn säuber ou probiert
Dr Grill dä loufft on dr Fische ond Phippu si deprimiert.



Früener hesch met Brief a d'Redaktion inseriert.
Höt wird das alles am PC arangschiert.
Met eme Klick of e falsch Link machsch grad es Inserat i der Online-Zytig.
Aber du wettsch doch s'Erschyne erscht am nöschte Fritig!
So het i dere hoch moderne Wäut
der Sommer Hugo si Aprilscherz scho im Voruus online gstöut.

Erschienenes Inserat:

Im Hägendörfer Fasiswald-Biotop haben sich Geburtshelferkröten angesiedelt. Eine Besonderheit dieser Krötenart ist, dass nicht die Weibchen für das Laichen zuständig sind, sondern die Männchen an ihren Hinterbeinen die Eischnüre tragen, bis die Kaulquappen reif zum Schlüpfen sind.

Während den letzten Monaten wurden bereits mehrere Männchen in verschiedenen Teilen der Teufelsschlucht gesichtet. Sie wandern vom Fasiswald-Biotop zum Schützenhaus und anschliessend dem Wanderweg entlang in die Teufelsschlucht zum Tuffbrunnen.

Ein Hägendörfer Verein hat es sich zur Aufgabe gemacht, der Abwanderung der Frösche entgegenzuwirken und hat aus Schutz dieser Kröten eine Fröschenstrasse errichtet. (Foto)

Um zu wissen, wie viele Kröten es in der Region gibt, findet am Samstag, 1. April 2023 am Morgen eine Fröschezählung statt. Die Frösche werden beringt. Die Ringe werden von der Vogelwarte zur Verfügung gestellt.

Besammlung von freiwilligen Helfern beim Schützenhaus Hägendorf um 09.15 Uhr
Hugo Sommer

PS: Ich möchte, dass der Beitrag in der Ausgabe am 31. März publiziert werden kann.
(Es ist ein 1. April scherz darum brauche ich einen Tag Vorlauf!)

Besten Dank im Voraus, mit freundlichen Grüessen Hugo Sommer



Din Stapler knirscht unterem Rädli
Hesch kei Ahnig was es chönt si
De Telefonjoker wirdsch nit chönne bruuche
De Chregu Schneider duet vergäbe sis Handy sueche



Kindermaskenball
Sonntag 11.02.2024

14:00 -17.00

In der Raiffeisenarena
(Eintritt frei)

Nach 'Schwarzfahren'
wird nun auch der
Schwarzwald
umbenannt und heißt
ab sofort
'Baden-
Württembergisches
Bergland mit dunkel
eingefärbten und in der
Gegend gut integrierten
Nadelbaumbestand*Inn
en'.

05. BöögenAir Hägendorf
am Määntig 12.02.2024

15:00 – 17:30

Kinder-Fasnachtsolympiade
rund ums Root - Huus

ab 18:00



5. BöögenAir Hägendorf
rund ums Root-Huus
Guggenmusik, Barbetrieb,
Kostümprämierung,
Verpflegungsstände

Normali Texte hetme früecher chönne
schriebä, höt bechunntmä be dene Gschichte
grad e Schiibä...

Läänger und komplizierter muess es sii, dass
männlein und weiblein si befredigitiiii !

Es wird verlangt vo de grosse Mächt, dass so
gschrebe wird in Gendergräacht..

Mittlerwile chame schriebe wiemes wett, ou
dörsch das sii wo de wetsch oder eben et..

E schlaue, respektive e schlaulne hets aber
kapiert, zösche Männlein und Weiblein-Form
es * platziert.

Im Auto am Morge zur Arbet,
d'Ample uf rot, me wartet.

E Groppe jungi Lüüt am
Strosserand, i de Hand e
Fläsche, am Körper es
lüchtens Gwand.

Me wartet und wartet und
wartet uf Kommando wird
denn gstartet.

All im Capo nach und vil Liim
ider Ritze, gägs Klima
protestiere wie die naare, nach
so langem warte kei Lost me
im Chaare.

Über Sinn und Zwäck, es het
kei Wärt, die meiste aber
secher frei ufem Arbetsmäärt.

Hetze am Schmudo vo Beiz zo Beiz,
das het secher e gwösse Reiz!!

Aber wöu ned emou einisch hesch chönne warte,
Hesch im Stress verlore dini Kreditcharte!
Zom Glück gfonde vonere Finderin wo esch ehrlech gsiii.

Hole chasch si drom bi der Silvia im Gschänklädelliii 😊

Name nicht verdrehbar

E zwöiti Fläsche Wy muess scho no si
Aber dr Zapfezieher goht ned dri
Dä Zapfe sig steihert seit die gueti Frau
Doch eher si esch ned so schlau
Wenn dr Zapfe vom erschte Wy duesch drinne lo
Sonja Niederberger, so wird's bestimmt nie goh

MITMACHEN & GEWINNEN



Gewinnspiel / Schnappschüsse Fasnacht 2023

Liebe Fasnächtler und Fasnächtlerinnen


Machen Sie mit bei unserem **Gewinnspiel!**

Jedes Jahr werden wir NEU den "BESTEN FASNACHTSSCHNAPPSCHUSS" von all euren eingesendeten Fotos der letztjährigen Fasnacht auswerten und hier wunderbar zur Schau stellen 😊 Die Jury ist jeweils das Fasnachtszeitungskomitee! Die Person, welche nun von der Fasnacht 2024 das beste Foto einsenden wird, wird in der nächsten Ausgabe der Fasnachtszeitung 2025 erwähnt und **gewinnt ein Nigel Nagel neues Handy!!!**

Einsendeschluss ist der 29.02.2024!

Die Fotos können eingesendet werden an: **079 544 08 32** (Ziitigsgremium)

Hier ein paar Impressionen aus der Fasnacht 2023: 😊



Fasnachts(wunsch)gedicht: "En brave Maa"

Gasch go poste, i de lade,
und im See no grad go bade.
Chasch met em Hund go laufe,
Und dr Frau no Blueme chaufe.
Leersch no grad dr Köderchöbel,
hänksch au d Hose sälber an e Bögel.
Dörsch nüt singe und nüt jodle,
muesch au s Bier no säuber hole.
Und im Garte dörsch no jätte,
wenns au esch gar heiss Wätter.

Im Träppehuus isch immer Krach,
anstatt schlafe, besch no wach.
Nüme Rauche, nüme trinke,
d Böde schohne met de Finke.
Nümme übers Ässe flueche,
keini alti schätz me dörfe bsueche.
Nümme Chegle, nümme Jasse,
öbbe die uf d Milch ufpassse.
Alli Zimmerböde Flume, und
S Chatzestli useruume.
D Blueme sprötze und Wösch ufhänke,
all schön lose, nütme danke...
Das alles esch secher de Maa,
wo jedi Frau gern wett ha 😊



Evelyne Bleuer (52)

Was esch ofem Tisch bim Sitzplatz druff
Si frogt sich das und esch chli muff
E ha jo geschter dä Tisch no putzt
Wär het ächt dä die Nacht benutzt
Es gseht ned us wie Sauce vom Salat
Sondern leider eher wie Ejakulat
So gruusig seit si und esch schockiert
Wöu eine do het ... (Wort zensiert)
Dr Maa wird jetzt no informiert
Und dä sich scho chli amüsiert
Är heig es Mittu underem Sitzplatz gsprützt
Eis wo gäge d'Wäspi a dr Decki nützt
Dass d'Sauce vom Mittu vo dr Decki esch cho
Machts Bleuer Eveline richtig froh

Mit de Enkuchind a Wiehnachtsmärit of Basu goh
Dört cha si s'Auto ofem Parkplatz lo stoh
Wo dr Wiehnachtszauber esch verbii
Esch mer weder ofem Parkplatz gsi
Dört het si de dr Grind lo hange
Wöu der Autoschlüssu esch verlore gange
Drum muess si sich mit de Enkuchind im Zug platziere
Und per Handy d'Abholig in Olte organisiere
Wo me si dört de bereits scho duet erwarte
Duet eis Enkuchind de d'Überraschig starte
Si chöis ned glaube und hei fasch dr Schlag becho
Wo dr Elias Glaus dr Autoschlüssu usem Sack het gno

Zuesatz:

Kathrin Glaus wo im Kofferruum dr Autoschlüssu lot lo si
Das esch übrigens d'Muetter vom Elias Glaus gsi



So chli zöuserle das esch doch e Buebetroum
 Verbrönne Äscht oder grad haubi Böim
 Lösche söttme vor em **Füür** robe ned nor de Dorscht
 Do muesch dra danke, das esch ned worscht
 Wenn nämli losch lo brönne das **Füür**
 Esch das eim im Dorf ned so Ghür
 D' **Füür**wehr het müese cho
 Wöu dä Rouch eine ned het in Rueh glo
 Jastria Munior

Zahle chasch hötzotag of 100 Arte
 Met Bargäud aber ou met yöune Charte
 Obs choschtet 10 Franke oder Tuusig
 Mues scho säge die Technik, das esch **Musig**
 Nöi gets ou no Twint, das esch der gross Hit
 Aber för d'**RegionauMusig**Täg esch me för das noni Fit
 RMT (Rechnung mit Twint)



De ganz Tag Stemme zämzöue mues der Bond,
 Dä chonnt met der Zit totau of e Hond.
 Müehsam esch die Rächnerei,
 Muesch ufpass as kenere Partei leisch es Ei.
 Wahrschinglech si ned aui bi der Sach gsi,
 Fähler hei sech nämlech gschleche i.
 Spöter het me die Fauschrächner no verwötscht
 Drom esch d'Parteirangliche no e chli verrötscht!
 Sündesamt für Blagistik

Viel hoffe, dass es prachtvolls Wätter wird gäh
 Dass viel am Schuelsporttag no eis döi näh
 En Kühlschrank duet aber niemert organisiere
 De **Thomi Däppen** hets vergässe zkoordiniere



Är duet Passiv- und Gönnerbeitrag für e Verein v verschickte
 Doch bim Absänder duet är sich immer weder verstricke
 2022 duet är als Name «Häggerie Gugge» duet of dr Strecki blilipe
 Und in Brief duet au dr erwähnt lizaligsschlin fähle
 Wöu 2023 dr Name mit «HÄGGERIGUGGE» heiss
 Si mer gebannt, was dr **Simon Laufer** 2024 bim Absender wird schritipe
 Ach wie gut, dass ich nicht weiss – dass ich «Häggerie-Gugge» heiss

Wenn gosch go schutte get das e cheibe Dorscht
 Wenn ändlech eis chasch go Sufe esch de ned so Worscht.
 Zersch musch ebe no Schueh wäsche ganz e hufe
 Ond so lang chasch ebe keis go sufe
 Drom sufe si chorzerhand usem Bronne
 Met dem heisi aber de grad gar nüt gwonne
 Fasch aune Speler esches nachhär hemutrurig gange
 Wäg dem Abwasser us Chlor vo der Badi Aarwagen
 Fanionteam vo der Breiti

Gutschi, Prado oder Adinas
 Die Replika sind wirklich krass
 In Ägypte suechesi paar schöni Shirts us
 Nur mit de Wählig chömesi nit so drus
 Zahle ziemlich viel für das wosi hei postet
 Alex Sommer, es Original hätt glich viel kostet

Fürd Abschlussklass vor 20 Jahr
stoht es Klasseschiff bevoor
Ou alli ehemalige Lehrer hei e lladig becho
So het ou ei Ehemalig vor gha zcho
Nur duet er ganz elei vorem Schuelhuss stoh
De Lehrer Neuhaus, isch en Woche zspot cho




E Schiffsreis esch e Gnuss
Doch eschs kaputt fahrsch mitem Bus
Plötzlich merksch das der öppis fäut
Drum d'Nummere vom Schiff är wäut
Är frogt, ob e Mitarbeiter e de letschte Stunde
E sinere Kabine e Autoschlüssu heig gfunde
Wöu d'Anwort vom Schiff esch nei
Brucht är dr Ersatzschlüssu vo de Hei
Jetzt müesse si mer dä schicke ghörsch ne chlöne
Doch plötzlich duet sis s'Telefon no einisch töne
Ofem Schiff het me jetzt der Schlüssu doch no entdeckt
Dr Studer Marci het ne z'hinderscht im Tresor versteckt



Be de Höckeler esch das ned nöi
A de Singprobe trinksch es Bierli oder zwöi
Chas äch si, dass Eine mou chli meh Bierli het gnosse
oder warum het dr Loupi die volle statt läre Bier e Küder gschosse

Vomene Chund hät är e Bstellig becho
Die wott är grad no uselo
Är nimmt e Karton wo är mou het erhalte
Für so es Päckli chasch au näh e Alte
Im Nu esch s'Material verpackt
No d'Etikette obe druf und zwar exakt
Ab of Poscht und aus es gmacht
Doch am nöchschte Tag är nüme lacht
Das Päckli stoht weder bi ihm vor dr Töre
Aber sini Adresse esch druff, dass duet ihn störe
Jetzt gseht är warum das mit däm Päckli lauft verschisse
Dr Stalder Mige het vom alte Päckli sini Adresse ned abgrisse



40 Jahr Schlumpf-Zunft wird ofem Dorfplatz gfiiert
Im Zelt wird trunke, gässe und au gliiert
Damit d'Schlümpf am Jubiläum nur chöi gniesse und lache
Döi die andere Fasnachtvereine d'Feschtwirtschaft mache
Sogar s'gsplüsse esch am Schluss be de Höckeler bliibe hange
Wöu aui Schlümpf scho früehner hei si gange

Viel wird packt für uf Adelbode
Für jede Alass die passendi Mode
S'ganze Gepäck vo der Familie isch ou derbi
Uf de Fahrt dankesi... do isch doch no öbis gsi
D'Koffer werde usglade wo sie endlich sind acho
Nur am Hans und Rita ihri Koffer döi no deheime stoh

ojeeee ojeeee
der erschti Schneee
der Wätterbricht fausch interpretiert
d'Winterpneu si noni montiert
vorwärts gohts kei Meter mitem Chare
drum gsehsch ne rückwärts durchs
Quartierli fahre
Leider funktioniert nur so mit sim Audi
Dr Vönsi het aber trotzdem es Gaudi

SCHLUMPF-ZUNFT

HÄGENDORF



En Gratistritt fürs Jahreskonzert isch acho
De Dani frogt id Vereinsrundi wär möchti go
Eini duet rasch ihres Interesse bekunde
So ligt scho bald die lladig im Briefkaste unde

Kurz vorem Konzert duet sie bim Dani stoh
Wenn sie de endli die lladig duet becho
Nur setsch nit über anderi Lüt flueche
Isa muesch mal i dim im Altpapier sueche

Au Johr findet d'Fürobeparty vo de Höckeler statt
Das finde die meischte Lüt au schampar glatt
Dört heschs luschtig, chasch trinke und au ässe
Doch leider het dä vo dr Feschwirtschaft öppis vergässe
Drum duet plötzli e Gascht dr Fäschtplatz verlo
Gohd schnäu hei und esch scho glii weder do
De ändlich chöi si vo däm haubeli Wy iischänke
Drum bitte Loupi, due in Zuekunft au a d'Wyggläser danke

Es kaputts Kabel sött är repariere
Nur weli Siite duet ächt ned funktioniere
Är duet dr Stecker uf, cha aber nüt entdecke
Drum macht är zue und duet weder iistecke
Jetzt weiss är, dass die anderi Siite e Fähler muesch ha
Drum macht är sich jetzt haut dört äne dra
Wenn e Stromerlehr hesch gmacht sötsch aber checke
Dass bim Flicke keis Kabuendi sött ir Dose stecke
Wöu är nüt studiert und s'Kabel trotzdem längt a
Het dr Betzge e schmärzhafte Erlüchtig gha

Vor luuter Lache mues sich eini verbüüge
Wöu ihre Maa mitem Velo duet umflüüge
S'Karma isch aber schnell zur Stell
D'Nadja Studer gheit ou grad um, ganz schnell


Füre Märit duetsi s'Auto entlade
Denn passiert der grossi Schade..
Nachem bschliesse chuntere erst in Sinn
dass de Schlüssel no isch im Chaare drin
Der armi Maa mues de Ersatzschlüssel bringe
So en Seich, cha nur am Käthi Glaus glinge.

Fürs Grümpeli-Turnier het är extra T-Shirts bstöüt
Doch wo die si cho hets ihn fasch gschwöüt
Es hätti müesse «ReisEgruppe Urdinkel» druffe stoh
Mit «Reisgruppe Urdinkel» wott dr Hirrlinger Tim gar ned goh.

Ich chönt doch zwöi Bliss Tickets schänke
De muesi när nömm wiiter dra danke
Bstelle drum rasch zwöi Tickets dervo
Und scho döi die uf mis Mail acho

Luege is Postfach und de chuntmer i Sinn
Es sind jo scho zwöi Tickets do drin
Ha vor 2 Wuche nämlich scho as gliche denkt
D'Stephi Lädi bstellt zwöimal de glich Event

S'Ässe im Restaurant Tüüfelschlucht esch eifach spitze
Aber of d'Stuehl ir Schluchtstube getrout me chum me z'sitze




!!Last but not least!!

D hägedörfer Fasnächtler, möchte sich
rächt härzlich bi de Sponsore för die
grosszügige Biträg für öisi
Fasnachtsziitig bedanke!
DANKE VÖU MOU!

PLANZER
planzer-lehrstellen.ch
«DIE BERUFUNG»



globesailing gmbh
Dreyangel 4
4710 Balsthal
Postfach
8027 Zürich




Du findest uns an
folgenden Standorten:

Zürich
Zug
Solothurn
St. Moritz

Motorbootschule
Segelschule
Hochseeravigation
Werft

Telefon:
Mobile:
E-mail:
Homepage:

+41 44 480 28 40
+41 79 432 75 10
info@globesailing.ch
www.globesailing.ch



MS Sentosa
Dreyangel 4
CH-4710 Balsthal
Telefon +41 (0)44 480 28 40
info@sentosa.ch

Liegeplatz:
Mythenquai
Quai 61
8027 Zürich
Schiffstelefon: +41 (0) 079 441 82 24

sentosa.ch

078 670 00 39



Schädlingsbekämpfung
Fredy Kurmann GmbH

NEU



Schnitzelbänke & Guggemusig im kath. Pfarreizentrum

	Samstag, 10. Februar 2024
Zeit / Ort	Kath. Pfarrei-Zentrum
19:45 Uhr	Root XLV
20:30 Uhr	Schlumpf-Zunft
21:15 Uhr	Hägageri-Gugge
22:00 Uhr	Höckeler-Zunft

Darfs es bitzli Meer si

Jetzt reservieren unter:
philipp.erni@fch.ch



Darfs es bitzli Meer si ?

Root-Huus Betrieb vom 8. - 13. Februar

täglich ab 13:45 Uhr

(Samstag erst nach dem Umzug)

8. Februar

ab 05:00

hüt chesslet's durchs Dorf

Treffpunkt Spitzacker, anschl. Mehlsuppe in der Raiffeisenarena

ab 19:30

Schnitzelbänke & Guggenmusik

Insieme, Bistro, Circle Lounge, Schlucht, Schlüssel, Siena

9. Februar

ab 13:30

Seniorenfasnacht

in der Raiffeisenarena

ab 20:00

Beizenfasnacht mit Maskentreiben

in sämtlichen Fasnachts-Beizen

10. Februar

Beginn 14:00

Grosser Fasnachts-Umzug

anschliessend Fasnachtstreiben auf dem Dorfplatz

ab 19:45

Schnitzelbänke & Guggenmusik

Pfarreiheim, [Reservation: philipp.erni@fch.ch](mailto:philipp.erni@fch.ch)

11. Februar

10:30 – 12:00

Fasnachtsgottesdienst

in der katholischen Kirche mit Gugge und anschliessendem Apero

14:00 - 17:00

Kindermaskenball

in der Raiffeisenarena (Gratis Eintritt)

12. Februar

15:00 – 17:00

Kinder-Fasnachtsolympiade

rund ums Root-Huus

ab 18:00

4. BöögenAir Hägendorf

rund ums Root-Huus Guggenmusik, Barbetrieb, Verpflegungsstände

13. Februar

14:00 – 16:00

Kinderdisco auf dem Dorfplatz

Kinderschminken, Musik mit Spiel und Spass

um 19:15

Hotschifüür mit Uslompete

auf dem Dorfplatz und im Root-Huus